

# Omlettas e la battaglia da Lepanto

■ (cp) Finalmain è ella qua, la successin da «Capuns ed il stgazi dals Franzos». En «Omlettas e la battaglia da Lepanto» van Leci, Laura e Laina betg en vacanzas a Sumvitg, mabain a Vella. Ma tge orrur! La mamma planisescha da far ina tura atras tuttas chapluttas lumnezianas. Cun ils uffants! Durant las vacanzas! Leci, Laura e Laina sa despereschan.

Lura capiti: La battaglia da Lepanto – la pli renumada pictura da la Val – svanescha ord la baselgia a Vella. La polizia n'è betg pipa d'arrestar ils laders e perquai prendan ils trais uffants enta maun la chaussa. Agid obtegnan els d'in organist che mangia omlettas sco in purschè, d'ina misteriusa vendidra da chalamandrins e d'ina matta ch'als mussa las chavazzas da Vrin. Cun la fantasia da Laina, la giagliardia da Laura e l'inschign da Leci impede-schan ils trais fragliuns ch'il custavel stgazi bandunia per adina la Val. Preschentà vegn il cudesch, en preschientscha da l'autra *Claudia Cadruvi* e da l'illustratura *Yvonne Gienal*, a chaschun da la fiera da vinars a Glion, ils 27 da december, e per tgi che ha gust datti er in'omletta ed insatge da bai-ver.

Il cudesch «Omlettas e la battaglia da Lepanto» po vegnir retratg tar la Lia Rumantscha e tar tut las librarías che vendan cudeschs rumantschs per 22 francs  
«Omlettas e la battaglia da Lepanto»  
Autura: *Claudia Cadruvi*  
Illustraziuns: *Yvonne Gienal*  
rumantsch grischun  
Paginas: 120  
Format: A5

Claudia Cadruvi

## Omlettas e la battaglia da Lepanto



Frontispizi dal cudesch.